



Planning Inspectorate
Arolygiaeth Gynllunio

Cais gan Uniper UK am orchymyn yn rhoi cydsyniad datblygu ar gyfer Prosiect Pŵer Carbon Isel Cei Connah (EN010166)

Agenda ar gyfer gwrandawriad mater penodol (ISH4):

Darparwyd hysbysiad ynghylch dyddiad, amser, a lleoliad y gwrandawriad mater penodol 4 hwn (ISH4) yn atodiad C i lythyr [Rheol 8](#) yr Awdurdod Archwilio (ExA) [PD-010] dyddiedig 20 Ionawr 2026.

Gwrandawriad	Dyddiad ac Amser	Lleoliad
Gwrandawriad mater penodol 4 (ISH4) ynghlŷn â'r dirwedd ac amwynder gweledol, a newid hinsawdd	Dydd Mercher 18 Mawrth 2026 Gwrandawriad yn dechrau am 1000 o'r gloch Cofrestru a seddau ar gael yn y lleoliad o 0930 o'r gloch a phroses gofrestru rithwir o 0945 o'r gloch	Gwesty'r Village - Chester St David's Parc Dewi Sant, Ewloe, Glannau Dyfrdwy CH5 3YB ac yn rhithwir gan ddefnyddio Microsoft Teams Bydd cyfarwyddiadau llawn ar sut i ymuno ar-lein neu dros y ffôn yn cael eu rhoi o flaen llaw i'r rhai sydd wedi rhag-gofrestru

Agenda

1. Croeso, cyflwyniadau, trefniadau ar gyfer y gwrandawriad

2. Diben y gwrandawriad mater penodol

Bydd yr ExA yn esbonio diben y gwrandawriad, a bydd yn ceisio ymatebion gan yr Ymgeisydd a Phartion â Buddiant (IPau). Gwahoddir Partion â Buddiant hefyd i ofyn cwestiynau eglurhad ynghlŷn â materion yn ymwneud â'r dirwedd ac amwynder gweledol; a newid hinsawdd.

3. Y dirwedd ac amwynder gweledol

Gofynnir i'r Ymgeisydd roi diweddariad i'r ExA ar thema'r dirwedd ac amwynder gweledol.

Yna, bydd yr ExA yn gofyn cwestiynau i ddeall y mesurau lliniaru a weithredwyd a'r effaith y gallai'r datblygiad arfaethedig ei chael ar y dirwedd a derbynyddion gweledol eraill. Yna, bydd yr ExA yn ceisio safbwyntiau Partïon eraill â Buddiant sy'n bresennol, os byddant yn dymuno.

3.1.	Y mesurau a gymerwyd i sicrhau bod y datblygiad arfaethedig yn cael cyn lleied o effaith weddilliol â phosibl ar y dirwedd leol ond ei fod hefyd yn ceisio bodloni'r angen ar gyfer "dylunio da".
3.2.	Yr asesiad o'r effaith ar amwynder gweledol o'r golygfannau a ddarparwyd a'r safleoedd gwyllo hynny na aseswyd eto.

4. Newid hinsawdd

Gofynnir i'r Ymgeisydd roi diweddariad ar yr asesiad o'r potensial i'r datblygiad arfaethedig gyfrannu at effeithiau newid hinsawdd a'u lliniaru.

Yna, bydd yr ExA yn gofyn cwestiynau i archwilio'r mater hwn a bydd yn ceisio safbwyntiau Partïon eraill â Buddiant sy'n bresennol, os byddant yn dymuno:

4.1.	Cyfraniad posibl y datblygiad arfaethedig at waethygu effeithiau newid hinsawdd, gan gynnwys allyriadau ymhellach i fyny ac i lawr sy'n deillio o'i weithredu.
4.2.	Cyfraniad posibl y datblygiad arfaethedig at liniaru effeithiau newid hinsawdd sy'n deillio o'i weithredu a disodli technolegau eraill.

5. Adolygu materion, camau gweithredu sy'n codi a'r camau nesaf

6. Unrhyw fater arall

7. Diwedd y gwrandawriad

Diben y Gwrandawriad Mater Penodol (ISH)

Diben y gwrandawriad hwn ar themâu'r dirwedd ac amwynder gweledol; a newid hinsawdd yw caniatáu i'r ExA archwilio ymhellach yr asesiad o'r dogfennau a'r cynigion a gyflwynwyd hyd yma a'r materion a godwyd ac a amlinellwyd yn atodiad C y llythyr [Rheol 6](#) [PD-008]. Yn ogystal, bwriedir iddo fynd i'r afael â phryderon a godwyd gan Bartïon â Buddiant amrywiol ynglŷn â'r themâu hyn a chlywed sut mae'r Ymgeisydd wedi ymdrin â nhw neu'n bwriadu gwneud hynny.

Mae'r agenda a ddarperir uchod yn ddangosol ac fe allai newid ar y diwrnod.

Mynychwyr

Byddai'n ddefnyddiol i'r ExA pe gallai'r partïon canlynol fynychu'r gwrandawriad hwn.

- Yr Ymgeisydd
- Cyngor Sir y Fflint
- Cyfoeth Naturiol Cymru
- Asiantaeth yr Amgylchedd
- Climate Emergency Science Law (Dr Boswell)

Fodd bynnag, nid yw hyn yn golygu na fydd partïon eraill yn gallu cyfrannu. Gwahoddir yr holl Bartïon â Buddiant i fynychu a gwneud sylwadau llafar ar y materion a amlinellir yn yr agenda, yn amodol ar allu'r ExA i reoli'r gwrandawriad.

Mae'r ExA wedi ceisio darparu digon o fanylion i gynorthwyo'r partïon i baratoi ar gyfer y gwrandawriad. Mae'r manylion a amlinellir uchod yn ddangosol ac mae'n bosibl y bydd angen i'r ExA gynnwys eitemau agenda ychwanegol neu ddiwygio'r drefn yr ymdrinnir â'r eitemau.

Dylai unrhyw un sy'n dymuno mynychu'r gwrandawriad wyneb yn wyneb, ond nad yw eisoes wedi rhoi gwybod i dîm yr achos am hyn, wneud hynny cyn gynted â phosibl.

Bydd y digwyddiad yn cael ei ffrydio'n fyw a bydd dolen ar gyfer gwyllo'r ffrwd fyw yn cael ei phostio ar [dudalen we'r prosiect](#) ar y wefan Cynllunio Seilwaith Cenedlaethol yn agosach i ddyddiad y gwrandawriad. Felly, gall Partïon â Buddiant ac aelodau'r cyhoedd sy'n dymuno arsylwi'r gwrandawriad weld y gwrandawriad a gwrando arno gan ddefnyddio'r ffrwd fyw, neu wyllo a gwrando ar y recordiad ar ôl iddo orffen.

Y broses gofrestru

Bydd partïon sydd wedi cofrestru i siarad (wyneb yn wyneb ac yn rhithwir) yn cael neges e-bost sy'n cynnwys cyfarwyddiadau ymuno yn fuan cyn y gwrandawriad. Bydd y neges e-bost hon yn cynnwys dolen i'r digwyddiad rhithwir ar Microsoft Teams, a rhif ffôn os bydd angen iddynt gymryd rhan dros y ffôn. Er mwyn i'r gwrandawriad allu dechrau'n brydlon am **1000 o'r gloch**, dylai'r rhai sy'n mynychu'n rhithwir ymuno am **0945 o'r gloch** i sicrhau bod yr holl fynychwyr rhithwir yn gallu cwblhau'r broses gofrestru mewn da bryd.

Y weithdrefn mewn Gwrandawriad Mater Penodol

Yn ôl y canllawiau o dan Ddeddf Cynllunio 2008 a Rheolau Cynllunio Seilwaith (Gweithdrefn Archwilio) 2010, mater i'r ExA yw archwilio, profi ac asesu'r dystiolaeth trwy ofyn cwestiynau uniongyrchol i'r rhai sy'n gwneud sylwadau llafar mewn gwrandawriadau. Bydd holi yn y gwrandawriad yn cael ei arwain gan yr ExA. Bydd yr ExA yn caniatáu i rywun sy'n rhoi tystiolaeth gael ei groesholi gan rywun arall dim ond os yw'n penderfynu bod hynny'n angenrheidiol i sicrhau bod sylwadau'n cael eu profi'n ddigonol neu fod Parti â Buddiant wedi cael cyfle teg i gyflwyno ei achos.

Bydd y gwrandawriad yn gorffen cyn gynted ag y bydd yr ExA yn penderfynu bod pawb sy'n bresennol wedi lleisio'i farn a bod yr holl faterion wedi derbyn sylw. Os oes materion ychwanegol i'w trin, efallai y bydd angen gohirio rhai materion i gwestiynau ysgrifenedig. Dylai'r dystiolaeth a gyflwynir ar lafar yn ISH4 gael ei chynnwys mewn cyflwyniadau ôl-wrandawriad a'i chyflwyno erbyn **Dyddiad Cau 4** (31 Mawrth 2026).

Y Gymraeg

Rydym yn croesawu cyfraniadau yn Gymraeg yn ystod yr archwiliad. Bydd cyfleusterau cyfieithu ar gael mewn unrhyw wrandawriadau a gynhelir, er mwyn caniatáu i'r rhai sy'n bresennol wneud cyfraniadau yn Gymraeg, os ydynt yn dymuno gwneud hynny.